



O‘ZBEKISTON RESPUBLIKASI
QISHLOQ XO‘JALIGI VAZIRINING BUYRUG‘I

2024 - yil “ 2 ” *aprel*

90 -son

Toshkent viloyati

O‘zbekiston Respublikasi Qishloq xo‘jaligi vazirligining korrupsiyaga qarshi kurashish bo‘yicha ichki idoraviy hujjatlarini yangi tahrirda tasdiqlash to‘g‘risida

O‘zbekiston Respublikasi Qishloq xo‘jaligi vazirligi tizimida korrupsiyaga qarshi kurashish borasida faoliyatni yanada takomillashtirish, xodimlarning korrupsiyaga nisbatan murosasiz munosabatini hamda huquqiy ongi va madaniyatini yanada oshirish maqsadida

BUYURAMAN:

1. Quyidagilar:

O‘zbekiston Respublikasi Qishloq xo‘jaligi vazirligining korrupsiyaga qarshi kurashish siyosati 1-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalari faoliyatida korrupsiyaviy xavf-xatarlarni aniqlash va baholash uslubiyoti 2-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida manfaatlar to‘qnashuvini boshqarish to‘g‘risidagi nizom 3-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish reglamenti 4-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalari xodimlarining etika va korrupsiyaga qarshi kurashish sohasida o‘qitilishini tashkil qilish bo‘yicha yo‘riqnoma 5-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida kontragentlarni tekshirishga oid yo‘riqnoma 6-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalariga ishga qabul qilinayotgan nomzodlarni tekshirish bo‘yicha yo‘riqnoma 7-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida korrupsiyaga qarshi tartib-taomillarning samaradorligini monitoring va nazorat qilish uslubiyoti 8-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida korrupsiyaga qarshi kurashish tizimining holati to‘g‘risidagi hisobotni shakllantirish va taqdim etish bo‘yicha nizam 9-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalari xodimlarining korrupsiyaviy xatti-harakatlari va odob-axloq qoidalarini buzish holatlari ustidan xizmat tekshiruvlari o‘tkazish bo‘yicha reglament 10-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalarida korrupsiyaga oid huquqbuzarlik haqida xabar bergan yoki korrupsiyaga qarshi kurashishga boshqa tarzda ko‘maklashgan xodimlarni rag‘batlantirish tartibi to‘g‘risidagi nizam 11-ilovaga muvofiq;

O‘zbekiston Respublikasi Qishloq xo‘jaligi vazirligi markaziy apparati, hududiy bo‘linmalar, tizim tashkilotlari va muassasalari xodimlari tomonidan xizmat safarlari, xalqaro va boshqa rasmiy tadbirlar munosabati bilan olinishi mumkin bo‘lgan sovg‘a qiymati, shuningdek uni tasarruf etish tartibi to‘g‘risidagi nizam 12-ilovaga muvofiq tasdiqlansin.

2. Vazir o‘rinbosarlari, vazirlik markaziy apparati tarkibiy bo‘linmalari rahbarlari korrupsiyaga qarshi kurashish bo‘yicha (yangi tahrirdagi) ichki idoraviy hujjatlar bilan o‘z rahbarligidagi tarkibiy bo‘linmalar, xodimlar va ishchi-xizmatchilar tanishtirilishini, ushbu hujjatlar talablariga qat‘iy rioya qilinishini ta‘minlasin va nazorat qilsin.

3. Vazirlik hududiy bo‘linmalari, tizim tashkilotlari va muassasalari rahbarlari:

korrupsiyaga qarshi kurashish bo‘yicha yangi tahrirdagi ichki idoraviy hujjatlar ijro uchun qabul qilinishini ta‘minlasin;

xodimlar va ishchi-xizmatchilar tanishtirilishini, ushbu hujjatlar talablariga qat‘iy rioya qilinishini ta‘minlasin va nazorat qilsin;

mazkur buyruq ijrosi bo‘yicha amalga oshirilgan ishlar to‘g‘risidagi batafsil axborotni tasdiqlangan hujjatlarni ilova qilgan holda har chorak yakuni bilan vazirlik Komplayens-nazorat va korrupsiyaga qarshi kurashish bo‘limiga taqdim etilishini ta‘minlasin.

4. Vazirlik tarkibiy tuzilmasiga kiruvchi va korrupsiyaga qarshi kurashish bo‘yicha faoliyati O‘zbekiston Respublikasi Korrupsiyaga qarshi kurashish agentligi tomonidan muvofiqlashtirib borilishi va tartibga solinishi belgilangan respublika ijro etuvchi hokimiyat organlari rahbarlari:

o'zlarining korrupsiyaga qarshi kurashish bo'yicha ichki idoraviy hujjatlarini vazirlikning korrupsiyaga qarshi kurashish bo'yicha ichki idoraviy hujjatlariga muvofiqlashtirish choralari ko'rsin;

tegishli hisobotlarni belgilangan muddatlarda Korrupsiyaga qarshi kurashish agentligiga taqdim etib borilishini, zarurat tug'ilganda hisobotlarni vazirlikka taqdim etilishini ta'minlasin.

5. Inson resurslarini rivojlantirish va boshqarish bo'limi (Xamidov), hududiy bo'linmalar, tizim tashkilotlari va muassasalarining inson resurslarini rivojlantirish va boshqarish bo'yicha mas'ul xodimlari lavozimga tayinlangan va kelgusida ishga qabul qilinadigan xodimlarni mazkur buyruq bilan tasdiqlangan ichki idoraviy hujjatlar bilan imzo qo'ydirgan holda tanishtirib borilishini ta'minlasin.

6. Devonxona (Azimqoriyev) ushbu buyruq nusxalarini vazirlik markaziy apparati tarkibiy bo'linmalari, vazirlik tizimidagi respublika ijro etuvchi hokimiyat organlari, hududiy bo'linmalar, tizim tashkilotlari va muassasalariga yetkazilishi ta'minlasin.

7. Mazkur buyruq qabul qilinishi munosabati bilan O'zbekiston Respublikasi Qishloq xo'jaligi vazirligining 2021-yil 30-noyabrdagi "O'zbekiston Respublikasi Qishloq xo'jaligi vazirligida korrupsiyaga qarshi kurashish bo'yicha boshqaruv tizimini joriy etish to'g'risida"gi 271-son, 2023-yil 28-martdagi "Ichki idoraviy hujjatlarni tasdiqlash to'g'risida"gi 56-son, 2023-yil 21-sentabrdagi "O'zbekiston Respublikasi Qishloq xo'jaligi vazirligi va uning hududiy tarkibiy tuzilmalari faoliyatida korrupsiyaviy xavf-xatarlarni aniqlash va baholash uslubiyotini tasdiqlash to'g'risida"gi 191-son, 2023-yil 19-oktabrdagi "O'zbekiston Respublikasi Qishloq xo'jaligi vazirligi, vazirlik huzuridagi respublika ijro etuvchi hokimiyat organlari, hududiy bo'linmalar, tizim tashkilotlari va muassasalari xodimlari xizmat safarlari, xalqaro va boshqa rasmiy tadbirlar munosabati bilan olinishi mumkin bo'lgan sovg'a qiymati, shuningdek uni tasarruf etish to'g'risidagi nizomni tasdiqlash to'g'risida"gi 211-son buyruqlari o'z kuchini yo'qotgan deb hisoblansin.

8. Komplayens-nazorat va korrupsiyaga qarshi kurashish bo'limi (Xalilov) mazkur buyruqning bajarilishini ta'minlasin va amalga oshirilgan ishlar yuzasidan har chorakda vazirlik rahbariyatga axborot kiritib borsin.

9. Mazkur buyruq ijrosini nazorat qilishni o'z zimmamda qoldiraman.

Vazir



I. Abduraxmonov